

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Exercitatio Moralis Ad Historiam Conradini Ultimi Sueviae
Ducis, ...**

**Hochstetter, Andreas Adam
Grüninger, Johann Christoph**

Tubingae, 1699

Caput II.

urn:nbn:de:bsz:31-102557

CAPUT II.

- | | |
|---|--|
| I. De eo quod in captivos justum. Rationes pro iis benignè humaniterque habendis, & de tempore Imperii. | XI. Sueorum in Ecclesiam Germaniamque merita adversus Praesules Capitolinos. |
| II. Rationes in contrarium. | XII. De Jure horum in Neapolim, & de Prophetia Papæ. |
| III. Respondetur ad argumentum à servitute petitum. | XIII. Dicta §. IX, roborantur. |
| IV. De Jure Gentium, quid statuendū ē Boëcleri Philosophiā. | XIV. Talio divina. |
| V. Exceptio à Judæorum in servos severitate eliditur. | XV. Rebus uti secundis queis datum. |
| VI. Factum Davidis in Ammonitas expenditur. | XVI. De Prudentia belligandi Monitum unum. |
| VII. Rejecta Theodoreti suspitione, & admissa interpretatione durissimum supplicium confirmante, | XVII. Alterum. |
| VIII. Confirmatur nostra sententia verbis Petr. Aragonii; & ad male productam auctoritatem Augustini respondetur. | XVIII. Tertium. |
| IX. Actores Tragoediæ Pontifices Romani. | XIX. De irâ reprimenda monitum. |
| X. Papæ mancipiorum praetextus. | XX. Constantia amicitia cuius? |
| | XXI. Praestantia militis veterani. |
| | XXII. Nihil quod crudele, utile. |
| | XXIII. Recursus & clausula ad Deum Immortalem e jusque Providentiam. |

L

Supereft igitur, ut instituti memores in praxi jam ostendamus, quid vite humana colligendum hinc sit, simulque universam historię Mortalitatem, sed breviter, & primis quod aijunt lineis definiamus.

Primum

Primum quo jure in captivos uti liceat? disceptari equidem passim videois; conquisitis præsertim variis pro praesenti facinore praetextis Justitiae, sub quibus ipsa scilicet Justitia vitiati hand raro solvit. Nos, pensatis utrinque rationibus, id asseveramus: Jus belli & victoriae non abrogare *Jus humanitatis*, & parcendum proinde eosum vitae arbitramur. Quorum præclara est apud Ciceronem Pyrrhi sententia:

Quorum virtuti belli fortuna pepercit

Horumdem me libertati parcere certum est.

Parta nimurum victoria conservandi sunt ii, qui non crudelis in bello, nec immanes fuere: nec hoc propriè belli jus cum Arioisto dicimus, quod, qui vicissent, quemadmodum vellent, imperarent. Nam quum in bello non tam de vita rebusque aliis, quam de Imperio per vim certetur manifestum utique existimamus, ubi Imperium à vi exteriore defensum tutumque est, nullum proporrò violentia aut crudelitati locum dari. Nisque id vel *universalis* belli finis adiuitit, qui est quietus & securus juris quod cuique competit usus: vel *particularis* actionum singularium bellacarum scopus patitur, qui est, ut auctis ad jus nostrum defendendum vindicandum viribus, hostiles econtra vires ad nocendum nobis coerceamus. Atqui uterque hic finis citta hostium captivorumque interencionem obtineri potest: dummodo recta finium comparatio instituatur, nec violento nimium remedio securitatem stabilitum eat Victor. Quare & Ptolemaeus, refente Plutarcho, Antigoni filio Demetrio tabernaculum & alia ad suram corporis pertinentia, pecunias quoque captas remisit, dicens non de omnibus rebus, sed de Imperio & honore inter ipsos certari. Quo magis vitam servari capto æquum erit, quâ nihil homini charius deliciusque? In ipso igitur principio, ait Seneca, cogitandum, non quantum illud de Clerc. I. impune pati possit, sed quantum tibi permittat æqui bonique Natuta, que parcere jubet etiam captivis & pretio paratis. Pertinet adeò hoc ipsum ad communem totius generis hominum conciliationem & CONSOCIATIONEM, quam colere, tueri, servare Membra tanquam ejusdem corporis, simul ponderata probè Naturali Äqualitate, humanitatisque edendo exempla, jubemur: ne dnm id, quod proprium est hominis, repetere victoria postulat, decertandi nempe per disceptationem genus: ad aliud regrediamur, quod ad bellus pertinet, & ad quod confugiendum non est, nisi quum uti superiore haud liceat. Est enim usus belli planè subsidarius, ubi nempe quies gentium nonnisi armis obtineri queat. Capto vero hoste, in nostramque redacto potest statim id obtinuimus, ut sine injuria

Adde Cicer.
Off. I. 12, 25.
Nec mihi au-
rum posco,
ut mihi pre-
tium dede-
rissem: Et g. s.

in pace vivatur: Igitur amplius saviendum in devictum non erit: Sed veterum potius Romanorum imitanda æquitas, qui nihil viæ cripere, præter injuriæ licentiam. Quo de Temperamento circa acquisitionem Imperii legendus omnino Grotius. III. XV, 2, 3, 4. 54. & de captivis moderatè habendis in Fædere Friderici & Ludovici Palatinorum Rheni cum *Addit. argu-* Ludovico Comite Würtembergico statutum est. *Daq. Er die Gesam-*
menum 10-*gene nach Erbar Kriegs. Gewonheit halte;* und auch ohn des andern
bi. c. XXXI, *Theils Wissen und Willen nicht tödten lasse.* Sub doto Frys tag nach
14, 15. *Ambr. off. St. Matth. 1457. Conf. hoc de puncto & de captivis Illustribus fer-*
tatis, Excellentis. Domini DATTII Opus Illustre de Pace Imp. publ. I,
21, 5. II, 34, 3. Nostris moribus sapientissimum est consilium æstimandi
captivos publicis tabellis, (Cartels) quæ tamen æstimatione speciem tantum
venditionis habet, non propria venditio est.

II. Evidem obstat non parum prolati videtur, quod in bello capti, Natura rei exigente, saltem *Jure Gentium* servi fiant, in quos dominis nihil non licere constet, dudumque probaverit Seneca; adhuc, hostem interfici posse extra dubitationis alcum ponit: quum viatori jure belli liceat quocunque libuit facere: Hebreos quoque Hesbonitarum forminas puerosque occidisse, quin & Cananatos, quorumque cum illis connecta fuit causa delere connixos: denique nullibi culpari, quod ob improbi Regis imprudentiam, violatosque ejus iussu Legatos Davides Ammonitas horrendis cruciatibus subjicerit; Esse enim qui putent passos esse vel dentatas carpentorum rotas, vel acutos tribularum silices.

III. Non tamen hæc tanti sunt, à sententia ut nos dimoveant. Namque servi ex ipsa rei Natura citra factum humanum nulli sunt: Neque hunc Natura illi inæqualem rectè dixeris: quidquid in speciem è Stagirita atque aliunde opponant, qui contrarium tenent; Differunt enim *Conf. Pufen* & probe discernenda sunt: *esse quem Natura servum vel Dominum* *&*
dorf Op Maj *tali compositum præditumque ingenio esse, ut convenientius huic vi-*
V. 3, 2, 2, *ofiandr ad deatnr servire, alteri vero dominari.* Ceterum demus Bello captos pro *Grotius. p.* servis haberi jure gentium posse: Quid inde? a) Ideone obliviousimur, servos homines esse? aut hominem rationis compotem ad parem cum bestiis fortem redigemus, ut qui libertatis, optimi ac præstantissimi thesauri possessor est, in machinam, quod ajunt, molarem commutetur? Hoc qui-
dem

a) *Vicis amur eos, qui nobis nocere conati sunt, tantaque, Quantum aqui-*
sae HUMANITASQUE pastur, pœna adsciamus. Cicer. Off. II, sub-
fin. Addit. Christian. Thomas. Jurisprud. Divin. III. 15, 24, p. 225.

dem committere humanitas vetat; b) Nec cum servo poterit agi ita, quemadmodum aliis rebus nostris pro lubitu uti abutique possumus; neque aliis datâ operâ præterque meritum erit addicendus, apud quos inhumaniter habitum iri prævidemus. Quid quod ipsa servitus in captos bello solenni eam ob causam introducta fuit, ut à summo illo rigore captores tantò libertius abstinerent, quo captos interfecere poterant? Servorum quoque appellatio, notante Pomponio ex eo fluxit, quod Imperatores captivos vendere, ac per hoc servare nec occidere soleant. Itaque nec illud humanitati officit, quod de infinitis Juris in captivos effectibus dictum est, nihil non licere Domino in servos: Licere enim hoc dicitur, non quod rectum ex omni parte piunque sit, aut salvis officiorum regulis fieri queat, sed quod aliquando inter homines pœna non subjaceat; ubi illud Ammiani studiosè semper tenendum: Sunt aliqua que fieri non oportet, etiam si licet; & Ciceronis ac Plinii in eandem sententiam pronunciatum; Quare & apud Diodorum Siculum Byzantii & Chalcedonii, quod captivorum ingentem numetum interemissa, eximis crudelitatis facinora perpetrasse, & *τὸν νόμον τούτου τοῦ θεοῦ* Jus commune sprevisse dicuntur. De Christianis non dicemus, quos inter convenit in universum, ut bello inter ipsos aucto capti eum in modum servi non constituantur, quem antiqua vocabuli notio indiget, qualem etiam inter se consuetudinem Mahumetistæ servant. Quod ipsum eò rectius apud utramque gentem invaluit, quo magis nobis indubitatum est, primam servitutis originem non ex bello arcessendam esse, quamquam ex eodem servorum numerum vehementer auctum esse non diffiteamur. Est quidem & illud pensitatione non indignum, quod victor in hostem jus habeat? dominii nempe & libertas iudicandi, donec pactum intercedat, & SALVO ORDINE SOCIETATIS. Quo sensu & Cæsar de Heduis pronunciat, suo conservatos beneficio, quos jure belli interficere potuisset; Immò & ad illos Jus licentiae extendi in bello constat, qui innocentes sunt: interficiendos tamen eo in casu, ubi victoria aliter obtineri, aut Civitas oppugnari non possit: quod nisi jure liceret, neque Barbarorum triremes sine peccato aggredi licitum foret, in quibus remiges Christiani sunt & innocentes: quod absconum statuere, quum publicum bonum, quod ex ejusmodi victoria speratur, innocentium quotundam interfectioni merito anteponatur: nec

B 3 un-

b) *Deus enim, Deus, nonne palam reclamat? qui igneo illo Spiritu omnes huminas arguolas d. fl. t, qui si ventus folla, aut pinicul m te dorsum.*
Vide omnino Ulr. Obrecht. de Rat Belli, vulgo Raison de Guerre III. 36. & IV. 5, & 8.

*Grot. III. 4.**2. G III. 2.*

16.

*Grot. III. 7.**9. G Zentg.**de J. G. pag.*

283

*Obrecht. de**R. B. II, 3.*

enquam ullam oppugnare civitatem integrum esset, qui vix illa erit, in qua non unus alterve sit, qui noxa caveat, quod valde inconveniens. Int̄ rim sevire in hostem, ubi is *nōstrae factus est potestatis*, *& redigi in ordinem potest*, inhumanum merito habetur: nec quod jure belli apud Scriptores nonnullos factum dicitur, actum omni culpā liberat, sed memram impunitatem, aut si mavis, Politicam Moralitatem, aliquid sed IM-

vid. Jacob.
Thomae Ph.
Moral. Tab.
X. lin. 25. §
in Annosat.
ad d. l.

PERFECTE licitum, connotat & importat. At nobis de Lege humanitatis quæ situm est, quæ naturalem supponit æqualitatem, quamque vel Gothi olim sequuti supplicibus & in Templa fugientibus pepercérunt, quodque belli jure fieri licuisset, illicitum sibi esse judicarunt: memorante hoc ipsum, generosumque facinus dignis celebrante eloqii Augustino insigni opere de Civitate Dei. Vide & Arriani Comment, ubi sic abutentem jure in servos incēpat: Αὐδελφοί, σὺν αἵρεσι τῇ αὐδελφῇ τῇ οὐντῷ, ὃς ἔχει τὸν Διαθέτον ωτερόν ηὸς εἰς τῶν αὐτῶν σπερμάτων γένεται, καὶ τῆς αὐτῆς ἀνθετήσατο θεός; Mancipium, non ergo feres fratrem tuum, qui genus à Jove summo ducit? qui ut filius iisdem è seminibus procreatus est, eodemque nītitur fundamento? Et post paucā: Non recordaberis, qui sis, & quibus imperes? ὃν συγγράψαν, ὃν αὐδελφὸν φύσει ὃν τὴν Διὸς δοπογόνων. Nōnne cognatis? nonne Fratribus Germanis? nonne à Deo oriundis? Ut jam non urgeam, vulgari potius errore, spacioque per gentes tumore, quam vera juris alicuius explicatione statui, quod Victor Belli justi jus habeat interficiendi promiscue omnes in potestatem redactos. Nec sufficit ratio commutata, cum cede licita servitutis. Imò ne pertinacia quidem in resistendo; Quare & Historicus, qui de Henrico II, Rege Gallie memorat, quod Bovinorum quosdam vi captos, nimium obstinatos, iussit suspendi, id factum ex communibus Juris bellici principiis non posse probari profitetur. Adde Obrecht, de Rat. Belli

Jungatur J.
C. Beermann
ad Grot. III.
14. 3.

Laudata
etiam na-
perrimè Dn.
Zentgragie
de J. & J.
Subsid. de
Jure Gent. §.
12. pag. 168.
& Werlhof.
de Partie Et-
Naturæ Jus,
& Legibus civilibus certam,
camque modò severiorera
berar. Gen.
modò benigniore de servis constitutionem latam: sed, quid inde? Al-

IV. Est insuper ambiguum valdè, è Bœcleti Philosophia, Juris Gentium vocabulum: Jam enim pro Civili ferè populorum jure accipitur: alibi sic de eo pronunciatur, uti à *Naturæ lege ferè non differt*, atque in gentibus aliquo humanitatis usu excultis observatur: deinde mores potius & facta, quam *Jus multarum gentium* notat, quamvis illi Mores & facta Juris nomine prætexantur. Primo significati si accipiatur, diffidendum non est, trahi à Gentibus ad utilitatum suarum rationes de Partie Et Naturæ Jus, & Legibus civilibus certam, camque modò severiorera berar. Gen. modò benigniore de servis constitutionem latam: sed, quid inde? Altera

teria hujus juris acceptio hoc non quadrat. Jus enim Naturæ servitutem nonnisi humanam & Naturæ rationique so.iali conformem admittit; nec præsumendum est in dubio, gentes juri Naturæ contraria, vel ab eo longè discedentia voluisse. De tertio genere quid dici debeat, facilè est colligere; Solet enim eo sensu dici id juris esse, c) quod sola auctoritate exemplo ntitur, & proposito Rei alicuius publicæ commodo facili indecentiam dissimulat, nec aliud sepe jus habet, quam IMPUNITATEM.* Igitur accurate distinguenda sunt, que à more quorundam populorum pendent, ab illis quæ à JURE Gentium proprietati, & cuius necessitatem obligationemque non ignoramus, astimantur. Adde, quod servitus etiata perfecta, si naturaliter consideretur, Jus vitae & necis non continet. d)

V. Caterūm dira illa ac insolens Judeorum adversum servos inhumanitas nobis haud aduersatur: quâ persuasum habuere, se non vestitum quidem aut victum debere servo è Gentilibus, licet omne operarum genus eidem imponerent, statutâ etiam ob neglectum gravi & durissima castigatione: Gentibus in hoc nonnullis diores & deteriores, è quies Dijo: χειρὶς, inquit δεσπόζειν οὐτεκατέστηται: quippe sine quâ aequitate jus heri summa est injuria. Quod autem in Hesbonitas Cananeosque tam severè animadversum fuit, è divino quidem jure processisse censem Grotius, quod in homines majus sit, quam hominum in bestias; Nos vero Juri Justitiae rectius adscribi existimamus, quum Deus nonnisi gravissimis illarum gentium peccatis commotus, concessâ etiam CCCC annorum de malefactis poenitendi morâ ferale illis exterminium intulerit: Nec Deus hominem ex plenitudine Dominii punit, sed vi Justitiae, qua impunitum peccatum haud relinquit. Quid? quod B. Sebast. Schmidius asscerere non dubitavit, pacem quidem, ex divino præcepto Cananeis ab Israelitis offerri debuisse, cum conditione emigrandi è terrâ: quam patrem si renuerent, & se cum armis opponenter, ut occiderentur. Conf. Rabinus Venetus, qui gentes pro diversâ qualitate quam ad gentem sanctam habuere, humanius vel inhumanius à Judis tractatas fuisse contendit.

Conf. Gew.
XV, 16.

ad Iud. 1, 5.
p. 73.
Conf. Zenig.
de Joshua 9.
XVII. 5
Rabbins Ven-
etus Sim.
LuKatto nel
discorsi circa
si stat. deels
Hebr. Confid.
13, 15. & B.
Hofffer. de

VI. mutua Li-
beralitate pe-
regrinandi
inter gentes.
C. I. §. 4.

c) Confessare in aliquibus Iara peccato, & capiti esse locutum, quod publicum est, ut ex Cypris no refert Albericus Gentilis J. B. I, 5.

d) Confessis hec mordetur Bacchlerus Comment. ad Grotius. II. 5. §. 28. p. m. 140. seq. & Ill. Kulpis Coll. Grot. Exercit. V. q. 48. & XIV. 21. 164. Dr. Muller Polst. 94. IMPUNE non ramen HUMANITER, & Cic. Off. III, 5. 119. Homo Naturæ obediens, homini nocere non potest.

VI. Circa factum Davidis duo nobis, instar characteristicæ specimenum Philosophiaæ, supponenda sunt. Pervideri nempe ex hoc Ammonitiorum Consiliariorum exemplo posse, quām frivole nonnunquam sint hominum, politica, quam perpetam sibi imaginantur, sapientia turgentium conjectationes, qui dum sibi malitia concii sunt, nemini fidunt: atque ibi perfidiam solent metuere, ubi fidi dexterrimoque cuncta geruntur animo.

2. Sam. X. 3.

Tantam quoque occupatorum præjudiciis odiosaque animorum esse acerbitatem, ut candidorum beneficis non modo placari non possint, sed & irritentur magis, & raptis in contumeliam optimè quibusque dictis factisque, adfligendi undique occasionem captent: Quod ipsum graviter deduxit Hieron. Wellerus, eleganti Comment. ad 2. Sam. X. 26 2. Fuit insuper gravissimum peccatum, quod Legatos Regis optimi summa adfecere & injuriā & contumeliā, barbae nimirum vestisque dimidiam par-
Vide Horat. Satyr. I. 3. Cef. B. G. III. 9. 3. pag. 70. ex illo Poetæ: Edit. Jun-

gerus.

Vellunt Tibi barbam lascivi pueri:

*de Bell. Gall. III. 16. 4. C*onstat. Denique & universi generis humani intererat, graviter eos puniri, Legatos qui violassent. Quare & Veneti intellexere, quantum in Cæsarem facinus admisissent, Legatos (quod nomen ad OMNES Nationes sanctum verò in Venetos cō gravius vindicandum statuit, quò diligentius in reliquum tempus à barbaris Jus Legatorum conservaretur. Itaque omni Senatu necato, reliquos sub corona (vel in orbem) dispositos, que conjectura Hottomanni est vel coronis induitos, que Cellii, minus nobis versimilis) vendidit.

VII. Evidenter, si Arabem Syrumque audire interpretem velimus, non erit, quod nimiæ severitatis Davidem incusemus. Nihil enim ex *Vid. Pol. ad h. l.* utriusque Translatoris sententia in Ammonitum nonnullos statuit, quām quod in compedes catenasque ferreas eodem conjecterit, istoque habitu per eum deduxerit locum, in quo lateres formantur & igni durantur. Rarior est Theodorei sententia, qui ex πλευθια quod apud τε LXX. occurrit, & laterificinam significat, alias postremi hemistichii interpretationem commentus est; esse nempe πλευθια quadratam aciem, sicut quadrantur lateres. Quasi David coegerit Ammonitas transire per hanc Hebræorum aciem, ut ab ea hætis & gladiis confoderentur. Gallis id

id dicitur: *Passer par les piques.* Sed hunc sensum Hebraica Veritas non admittit, quam II. Sam. XII. 31. legas

וְאֵת הַעֲמָדָה אֲשֶׁר בָּה הַוְצִיא

וַיָּשֶׂם בְּמִגְרָה וּבְחַרִיצִי חֶבְרוֹל וּבְמִגְרָה תְּהִרְזָל וְהַעֲבֵר אֲוֹתָם

è Versione S. Schmidtii: *Populum denique, qui in ed, deduxit,*

& posuit in serrā & tribulis ferri, & securibus ferri; quin transfire

fecit eos per fornacem lateritiam. Omnidè varia hic suppliciorum pœ-

naturumque Ammonitis inflictarum genera enartantur; Id quod & Abar-

bene, fanior ceteris è gente Judaicâ Interpretibus eleganter observavit;

וְהַס מִינֵּי עֲוֹנְשִׁין וְאַסְרוֹן וְהַמְגָרָה הוּא הַנְּקָרָא בְּלֹעַ שִׁירָא

Variae, inquiens, haec sunt species afflictionum castigationumque. Prima instrumento facta est, quod Latinis serra appellatur. Conf. & Salom. Ben-

Melech, qui addit esse hoc instrumenti nomen, quo se: ati, quodque serra

adpellari soleat. Neque sanè incognita serratio Cananeæ incolis fuit,

quo dirissimo quoque supplicio Esau adfectum esse Hebrei memorant.

Eodem in milites quosdam usus esse fertut Valens Imperator. Pariter Gel-

A. Gellius

N. A. XII.

pag. 324. b.

lius refert in XII. tabulis hoc supplicium decretum debitoribus esse,

Nam de im-

qui solvendo non essent, ut in plures dissecarentur partes, & inter plures adeò creditores distraherentur: Sed nunquam ea lex data exequitioni fuit.

manitate il-

Quod & apud eundem Sextus Cecilius testatur: Dissectum esse antiqui-

la secunda

tus neminem legi, neque audivi. Alios (quod alterum genus cruciatum)

partiendiq;

carpentis ferratis חֶבְרוֹל sustulit. Quod instrumentum fissile

humani cora-

ferratum autumant Salomo Ben Melech & Abarbenel, in ejus ferè figu-

porio piget

ram efformatum, quo fruges triturantur atque palpa cortexque à nucleo

dicere.

sejungitur. Rursus & ferrea adhibita sunt instrumenta, queis nomen

Eo consilio

ab incisione lignorum, iisdem Magistris, inditum. Denique na denun-

tanta im-

etiana traduxit eos per tornacem lateritiam. Nec obstat, quod ad mar-

cata est, ne

ginem in Keri per Malben eos tradixisse memoratur. Verum enim

ad eam un-

utrumque est, Traduxit eos per fornacem, ubi lateres decoquebantur: &

quamperde-

per Molochi zedem, in qua Ammonite liberos huic idolo suo flaminis ex-

niretur Gell.

urendos immolabant, transire fecit. Quod ipsum, uti complura alia lu-

ciulenter expedivit Excell. Noster Dn. Hillerus, Orientalium Lingua-

rum Prof. Celeberrimus, egregio opere Arcani Keri & Kethib. II. 326,

l. c. 327. b.

327. Fuere ergo magna utique severitatis supplicia, quæ Rex omni cete-

roquin laude dignissimus de Ammonitarum gente sumpsit. Quare & Ca-

Ed. Antwerp

spat Sanctius, Centumputeolanus, existimat, multo perniciiosus tanta cru-

1624. p. 714.

delitatis exemplum humano generi fissile, quam violata Legationis scelus

C

esse

BLB

BADISCHE
LANDESBIBLIOTHEK

Baden-Württemberg

esse impunitum. Sed neque omnes Ammonitas id commeruisse. Itaque cogor, ait, existimare, Davidem hoc fecisse, cum cœcus esset propter peccatum, maximè quidem luxuria, quæ omnem ab illo pudorem & humanitatem exspectaverat. Sanctum tamen ejusdem consortes sodalitii refellunt Salianus, & Corn. à Lapide, qui Davidem à peccato savitiae excusant. Neque alia nobis heic mens est: qui de facto Davidis benignius judicandum arbitramur: quippe quod nullibi culpatum reprehensumque

Addit. Sebi- à Deo legimus, & in eos commissum fuit, quos ob ingentem malitiam horribili adeò supplicio dignos nemo negaverit. Qui enim, ut reliqua

Kard. de J.R.

N. 6.

prætermittamus, offerendis Melchomo sacrificiis crudelissimi extitere suosque infantes per ignem traducere, vel quod D. Kimchius observat inter brachia candardis idoli concremare soliti sunt, nteritò & ipsi per incensam fornacem traducti, aut in eam conjecti fuere. Quid quod frustra ad hæc talia Herorum divino auctorum Spiritu facinora provocetur? & quod ad rem præsentem pertinet, tamquam omnem facile conficit, nulkum in Cunradino scelus compatus, quo vitâ privari commeruisse, spes una to: Regnum ac Provinciarum, legitimo insuper bello cum hoste congressus, & repetunda paterna avitæque hereditatis causa in Italianam vocatus. Qui armis regnum sibi optimo Jure debitum ab invasore recuperare conatur, in ætu maximè licto versatur. In obscuris forte dubitationis locus est; hic justi injustique tūm clarum erat discrimen; ut indubium, nisi malitiosè vocari non posset. Addit. Bæcler. Annot. in *Æneas Sylvii Histor. Edit. Kulpis.* p. 143. Ut egregiè in Chronicis Marcus Guazzus tametfī Italus: Saxeus, inquit, verè esset ille, cuius animum tanta non commoveret crudelitas, in tām excellentem Regem, nobilemque Ducem, cosque atate adolescentes edita. Quanto verò rectius Romani

Spem Rho-
tor. ad He-
renn. IV. p.
m. 32. edit.
Jœach. Ca-
merar.

veteres de quibus Cicero: Bene, inquit, Majores nostri hoc comparaverunt, ut neminem Regem, quem armis cepissent, vitâ privarent. Quid ita? quia quam nobis facultatem fortuna dedit, iniquum erat in eorum supplicio consumere, quos eadem fortuna paulò ante in amplissimo Statur collocarat. Quid? quid exercitum contra duxit? defino meminisse. Quid ita? quia virtus fortis est, qui de victoria contendat eos hostes putare: Qui vieti sunt Eos. HOMINES judicare: ut possit bellum fortitudo minuere, pacem humanitas augere. At ille, si viciisset, num idea fecisset? Quid igitur ei parcis? Quia talem stultitiam contemnere, non imitari conuevi.

VIII. Recte proin Petrus Arragonius in Epistola ad Carolum: Tu
 Neron: Netonior, & Saracenis crudelior. Nero sanè substraxit oculos, jus-
 sique scelera, non spectavit. Quare & Nerone saevior Domitianus di-
 citur Tacito, quod praesens non ut exactor tantum suppliciorum, sed
 ut spectator ludi sanguinarii interfuit. Et exprobravit istam imprimis
 crudelitatem literis ad Carolum datis Petrus Arragonius: Cunradium
 Tu, non in prælio, sed ineritem nequiter captum: post diuturnum cat-
 ceterem, post probrofa ludibria, post multas ex eo factas ostentationes ad
 pompam: contra Justitiam, contra Deum, contra omne Jus belli, contra
 conflictudinem priscis moribus adprobatam vita inhumaniter privasti:
 huic generi pro nectate rependens absynthium: ut qui Comitatum Pro-
 vinciae, cum uxore, de Gratia speciali à Friderico Cunradini Avo acce-
 pris, fidelitatisque Jutamentum illi pro se & heredibus suis præstiteris.
 Fædiorem utique scenam inter Christianos nulla Tyrannis struxit, sive
 Castelli aream, quod Ludovicus Boius, postea demolitus dicitur: sive
 medium urbis forum Carolus ipse Spectator sceleris sui crudelitati con-
 secravit, oculis inde gaudentibus, unde etiam minimè humanis aut
 mollibus lacrymæ sunt citatae. Jungatur è nostris Cris. d. I. & è Bojis
 Brunner. III, p. 834. Equideum ad Augustinum pro scelere palliando
 provocatum est; sed quam ista manifesta cavillatio juris suit, cùm
 auctoritas Patris augustissimi in patrocinium huius saevitiae turpissimè de-
 torta est? qui cum vim militarem intra actus bellicos coerceat, & vi in
 actu bellico utentibus violentiam reddi dicat, e. g. quando resistentes aut
 vim inferentes in acie & pugnis interficiuntur: captis autem misericor-
 diam deberi ultrà statuat, præsertim si nulla perturbatio pacis metuenda
 sit: contra sanam hermenevicen & omnem civilis & Christianæ Philo-
 phiae rationem formatus est casus, quasi ex mente Augustini tum demum
 & solum misericordiae locus sit, ubi nulla pacis perturbatio debeat metui.
 Quod etiam si acciperetur, sicut accipi verba Augustini non sinunt, quam
 absurdum est metum perturbandæ pacis fingere, ubi capti in potestate sunt,
 & à nocendo in posterum certis & moraliter extra periculum positis ratio-
 nibus arceri poslunt. Instas: Tollì è medio debuisse, à quo superstite semper
 metuendum fuisset Carolo, Italiae inò universæ. Atqui in eos qui meritis
 commoti suspicionibus ne damnum ab aliis pati necesse habeant, damno
 eos adiciunt, illud omnino Vibii Crispi dictum convenit: Quis Tibi sic
 timere permisit? Itaque adversus incertos metus à divina providentia &
 ab innoxia cautione, non à vi præsidium petendum est.

*Conf. Cyriac.
Lentul. ad.
Agricolam.
Taciti pag.
760. seq.*

*Jo. Wolf.
Lc. Memori-
ab. ad Ann.
1263.*

*Bæcler. Ana-
not. ad Ann.
Sylv. p. 143.*

IX. Mali verò hujus, ad omnem, quæcunque futura est, posteritatem detestabilis causa totiusque tragœdia actores fuere Pontifices Romani. Equidem, ut fert ingenium hominum de rerum eventu temerè plenique judicantium, sententiis variatum vehementer est. Nec desuere, qui malum omne Cunradini majoribus adscriberent. Aeneas Sylvius, postea Pius II. Histor. Frider. III. Crediderim, ait, ita cœlesti Numini placuisse, cui persequutores Ecclesie grati esse non possunt: constatque saepe progenitorum scelera in nepotibus vindicari. Sed nimis de Ecclesia persequitoribus cum iis clamat, qui cœco partium studio omnia Pontificum honesta & inhonesta laudare solent. Non possum nona hoc loco sed obiter, memoriam recolete Civis nostri, Michaelis Coccinii, Tubingenensis, cuius de Imperii à Græcis ad Germanos Translatione libellus hac in Academia A. M. DV. scriptus extat apud Simon. Schardium de Jurisdict. Imperiali Basil. 1566. in quo jam ante tempora Reformationis Romanorum Praesulum arrogantiam candidè perfrinxit: Non potest, inquiens inter alia, Regi Papa Imperii Coronam denegare: etiam si Rex homagium praestare noluerit. Ex tali enim submissione Rex se VASALLUM faceret Papa. Sed Imperator Imperium tenet à Deo, ministerio Electionis Imperii Electorum. Ceterum ex Aenea sine dubio haulit sequen-

Voce: Cin-tia Ludovicus Maurerius: Executionem vocans, qui fait encor fremir radis. pag. d'horreur la posterité: mais qui sembloit un coup de la Justice Divine, POUR LES BARBARIES, que les Peres de Conratin avoient exercées de toutes parts. Ubi tamen Jacobum Arragonum perperam adpellat, quem Petrum unanimi Scriptorum consensu vocavimus. c. i. §. 8. Crudelius nimis haud pauca patrasse, quam par erat: nec semel clementiae oblitos erga deditios fuisse: Sic Henricum VI. Imp. non frustra communi voce Aspernum dictum, in Tancredi filium, a quo durius animadvertisse, quod Sici-lium Imperio eundem dejecerit: quod contra fidem datam Sibyllam Reginam Viduam unà cum filiabus Monasterio incluserit, quod Guillermo filio, ad quem Regni axioma hereditario Jure pertinebat, nec Litii Comitatum nec Principatum Tarenti, uti quidem Juratus promiserat, reddiderit: sed, quod crudele, puerum ad spem stirpis adimendam eviravit: quod præstantes Regni nobiles, Regi suo fidos oculis privarit; Patria Fridericum II. Cunradini Avum commississe, qui postquam decem millia Mediolanensem, justo quidem prælio, mactasset, Præfectum urbis Petrum Tiepolum, Jacobi Tiepoli Venetorum Ducis filium triumpho Cremonam ingressus, Caraccio impositum, alteroque brachio ad erectum

palum

*edit. all.
p. 38.*

*Michaelis
Coccinii Tu-
bingensis Li-
berius egre-
gior. p. 715.*

palum alligato, circaque collum ducto laqueo agitaverit, tandemque in Apulia publicè ex turri ad mare suspendio sustulerit: quod Theobaldum, Franciscum & Guilielmum d. S. Severino, Principes, pluresque alios Proceres non aliam ob causam, quam quòd ad Papam transfiissent, immani bus deloverit suppliciis, alios quippe ardentí flamma confectos: patriciarum alios suppicio, culeis nempe cum singulis canibus, gallis gallinaceis, sumis viperisque insutis, in mare projectos: ut alia, que Fazellus memorat, pratermittam: Conradum denique IV. sanguinis & paterni instituti oblitem, fratrem natu minorem Henricum, quem decedens Genitor Fridericus II. adhuc puerum Siciliæ Regem scriperat, honoris & gratulationis causa ad se profectum, per Johannem Mōrum Saracenorum. Ducebat interim, curasse; quo factum, ut impénitens idem Conradus decessit, quod tamen gravissimus Scriptor Jo. Naucerius, idemque primus Academiæ nostræ Rector, pernegat. Testamentum enim fecit, inquietus, in quo hāredem instituit Conradinum. Quis igitur crederet tūm in extremis positum sive immemoratum salutis fuisse? *

X. Caput autem rei esse ajunt Romanenses, quod contra Summos Pontifices plurima machinati sint, Ecclesiamque sepius turbaverint. Hoc nempe mali principium: hīc se prodit forex. In tantum excreverat Ecclesia Romanæ antistitutum ambitio, ut ad se pertinere liberam de Imperiis Recognisce in universum dispositionem jačarent: Papam esse, cuius pedibus omnia subjecerit Deus, oves, hoc est, Christianos, boves, Judæos & hæreticos: pecora campi, paganos: pisces maris, animas in purgatorio, volvres cœli, animas beatorum & angelorum: Illum piscatorem hominum factum esse, ut in omnes homines dominationem exerceat, & potestam habeat Regibus atque Imperatoribus imperandi, eos citandi & ejiciendi.

XI. Intolerabile semper hoc jugum Suevis nostris visum: Quare & ex ea gente Imperatores justas paſsim querelas de Papa Imperii invasore effudere; Id quod cùm ab aliis tūm à Joanne Schiltero, eminentis doctrinæ viro luculenter ostensum est; Neque puto, quisquam in Conradi III. Historia tām est hospes, qui ignoret, eundem contra Majestatem Apostolicam plenitudinemque potestatis Pontifici ab Clero adsertam protesta-

C 3 tum;

* Par est Volaterrani calumnia de Conradi adulterio; quam vel illud argu. 1, 9. od Fazellus, diligens imprimis Scriptor, Manfreds id facinus & facinoris egenum accurate denarrat, & ad verum auctorem refert, Rer. Sic. Dec post. L. 8. p. 447. Bawler. ad Aeneam Sy. p. 143.

*conf. 5. præ-
ced. 9. ab i-
nī.*

*Spirituallis-
simus, quem
vocant, An-
tonius, Simeon,
Theol. III,*

*L. IV. c. 7. d.
2o 3. do Lib.
Ecccl. Germ.*

tum; Qui quidem perniciosissimus Error in tantum invaluerat, ut Bernhardus quoque Clericæ Vallis Abbæs, peremptoriam dare sententiam ad depositionem Episcoporum solius Romani Pontificis esse dixerit, pro omnium, Quod plus ipse plenitudinem habet Majestatis. Contra Conradus Augustus Pontificem cum ante tunc post Carolum M. Imperii Romani membrum principium & ordinis sacri quidem caput fuisse fassus est, sed ex eo ipso eundem cum omni Clero summa Imperii potestati ex divina ordinatione subjectum esse probavit. Quandoquidem omnis anima, omnia Imperii Romani membra Imperatori Romano subjecta esse jubantur tam præcepto Apostolico ad Ecclesiam Romanam, quam Apostolorum exemplis. Quo factum ut etiam Populus Romanus, de usurpato Pontificis Imperio, & univcrsa factâ potentia edocetus non dubitarot plenam Imperatori Germanico Majestatem adscrere; Imperium Pontifici abrogare, & Conradum ad recapellendum more Majorum rō κυριον tolentanter invitare. Ad quem plures in hanc rem Epistolas misit S. P. Q. R. quarum postremam retulit Otto Frisingensis de Gest. Frid. L. i. c. XXVII. & egregio quoque operi suo inferuit laudatus JC. Schilterus.

p. 607.

d. 1.

Andreas
Bruñerus,
è Soc. Jesu,
Annal. Bo-
jor. P. III.
Clemen-
tim, ait,
Pontificem
oblitum no-
minis sua no-
qua vulgo
obligatum
circumfertur, illius vox fuit: Visum Conradini mortem Caroli futuram. Vide
Justus quidem Lipsius, apostatarum superstitionis, de tanto capite melius sperat: Unde in monitis submisâ murmurat voce; Pontificem etiam obtendunt: atque illum consensisse aut
p. 833. Sed supra M. Guazzum allegavimus, qui nihil usus circuitione de universa re
telitem luculentissimum se exhibuit.

XIII. Et annon sufficit, Andium Comitem contra Conradum è Galliis evocatum, iuramentoque jam Pontifici obstrictum fuisse? Ambigis
cesserit, si
Albert. Argentinus, Chron. p. 98.

bis: viventem ne maluerit Conradium. In clementissimus Clemens superesse, an mortuum non amplius mordere? Quid opportunius accidere poterat Papæ, quam submoveri illum cuius potentium etiam in puerò metuebat: quemque timebat ne in Regem Romanorum eligeretur. Quid magis ad gustum Pontificis, quam Regnum, quod Romanae Ecclesiæ suo quidem arbitratu proprium fecerat, carere posse periculo? Quod fieri aliter vix poterat, nisi cæde & interneccione tam cati inestimabilisq; capit. Audianus deniq; initium Epistola Caroli ad Clementem de Victoria sua: Surge Pater, & comedere venatione Filii tui. Nempe non dubitavit Carolus, *Addit. Cruf.* d. l. n^o 17. senem se nuncio isthoc resecturum, qui jam ante ejus sententiam exquirens hoc responsi tulerat: Non negaturum Pontificem de Conradiño fieri justitiam. Quia respsione ut de mandato autoritateque Pontificis Carolus Conradium necavit. Conf. denuò Jo. Naucler., qui Se ostendit alienæ *Gener. XLVII.* virtutis osores falsò Suevos criminari, quos inter Antoninus, Vir alioquin *f. 228.* religiosus, doctus, & Archiepiscopus, Conradium non potuisse regnum cœlorum ingredi frivole clamitet. Vellem, inquit Noster, ut Vir cau-
nus in mortuos tam severam non tulisset sententiam.

XIV. Consuevit DEUS immortalis, quos pro scelere gravius ul-
cisci decrevit, his aliquam *impunitatem* concedere: quo gravius ex rerum
suum commutatione doleant. Uisus est Carolus felici rerum successu in-
tegro ferè decennio; sed luxuriā disfluentibus apud Siculos Gallorum ani-
mis, nec virginum pudicitia aut toro uxorum parentibus, Siculæ sequutæ
sunt vesperæ, & Galli omnes, promovente rem omnem Joh. à Prochyta
ad æqualem campana pulsationem omni cædium genere sublati, sic ut Insu-
lani ne fœminis quidem suæ gentis è Gallis gravidis parcerent. Occupavit
hoc pacto Siciliam Petrus Arragonius, cui eam legaverat Conradius, &
capto Caroli filio unico, Patris cognomine occasionem nactus est vindicandi
innocentissimam Conradini iucem. Promunieatum, & illi caput
præcidendum esse. Adeò, quod quisque fecit, patitur: auctorem scelus *Pufendorf. In-*
repetit: suoque premitur exemplo nocens. Quare & Constantia, Petri *prod. p. 63.*
Conjux Carolo denunciari in carcere iussit, provideret animæ suæ ne de- *De Talione*
trimentum æternum patiatut: Moriendo esse, quo fato Conradius oc- *conf. Doct.*
ciderit. Cui quidem Carolus, Ego verò, respondit, reganimis mortem *Danhauer.*
oppetam eo die, quo etiam Salvator meus JESUS CHRISTUS mortem *Hodofobi.*
pro nobis oppetit. Quod respsum, quum ad Reginam perlatum esset, *Phanom.*
præcepit illa: Igitur ejus ego inquit, propter illum, qui eo die mortem subiit, *V II. 702;*
III. 111. 116.

misererebor. Tanta cum laude servatum à Muliere arbitror Carolum, quanta cum infamia Parentis cæsus fuit Conradinus.

XV. Ostendit Conradini calamitas, non omnibus datum esse, Rebus uti secundis, quod si rectè novisset, hostium factus haud esset victima. Sed quid in puerō mirum: quum ne Hannibal quidem, toties Vicitor post Canenē prælium id observaverit, languescens Campania deliciis, & optimas quasque occasiones rei gerenda elabi patiens. Res manifesta est.

Fior. II. 6. XVI. Qui bella gerit, ei videndum præcipue, ut quæ relinquit à tergo, fida sint quo & commeatus subveni possit, & ipse semper cum copiis tutum receptum habeat: Semper hoc consilio usum legimus Cæsatrem: qui & pulsum fugatumque Pompejum non ante persequi voluit, quām cū provincias ordinasset.

Fior. IV. 2. XVII. Quam verum illud Taciti: Sxp̄ obstitit vincentibus prævira inter ipsos certamen, omisso hoste, spolia consecrandi, & Vegetii. III. 25. Frequenter jam tula acies, dispersos ac paucim sequentes, reparatis viribus interemit. Pertinetque huc Leonis Imp. CPol. de bellico apparatu præceptum: Sxp̄ius hoc militibus tempore prælii à Ducibus est inculcandum: Ne ante belli exitum, vel exploratam certamque victoriam quenquam hostium spoliens; & Homerici Nestoris Iliad. 1.

Mηνις νῦν ἐπαρχειον οὐτοῖς διδόμενης μετέμοθε
Μηνυετο αὖτις ἀρδεγες κτενωμένοι.

XVIII. Amat victoria curam. Sic Josaphatus non præcipitanter ad prædam se applicuit; & è recentioribus in bello Hungarico, propè Strigonium præcipue, luculenta bellicæ prudentiae specimina edidit Carolus Lotharingus. Qui verò impetu magis quam consilio temeriterunt, plementum XX. rumque succumbunt, præcipue si illis negotiis cum prudentioribus fuerit.

L. I. c. 86. XIX. Prudentum est abolere dolores, iræque non nimis laxare frana: quæ ubi crudelitatem post se trahit, maximorum motuum cruentissimarumque cædium Mater est. Patet ex iis, qua de Siculis Vesperis & Petri Carolique bellis tetigimus; & amplius docet historia. Horrendum est, quod de bello Carthaginem cum Mercenariis suis Polybius refert. Quasi de industriâ hos populos inter se fortuna composuisset, ut occasionem alternis vicibus utrisque præberet exquisitis suppliciis invicem laxandi. Adde Diod. Sic. in Excerpt. Peiresc. p. 276. & præcipue Bæclerum,

rum, qui in Taciti Histor. hæc ipsi solidè elegantissimèque deduxit

17, 44, 765v

XX. Non est firma amicitia que subdole coalescit. Ostendimus id in contextu historiae de Amicitia Manfredi & Papæ; Crescit inter diversa volentes odium, Vellej. IL 60. Propriè ergo non nisi ea amicitia est, que fundamentum habet Bonum honestum. Rarò enim fideles videris, quos munus aut gratia copulavit.

XXI. Quantum in veterano milite situm sit, res Caroli per Alardum instauratae documenta sunt: cuius quidem strategema notatum adeò non improbamus, ut artibus ejusmodi in bello adversum hostes uti licere omnino existinemus. Conf. omnino J. Lips. Civil. doctr. V, 17, 132. ss.

XXII. Nulla major excogitari pestis posuit, quam que honestum ab utili distraxit: Hinc sicæ, hinc venena, hinc direptiones. Ea ratio & Carolum commovit, ut seposita omillaque omni humanitate tam crudele in Conradinum facinus committeret. Nihil igitur quod crudele, utile. Rem illustrat Cicero; Est enim hominum naturæ, quam debemus, maximè inimica crudelitas. Igitur male, qui utilitate potius dirigi putant officium quam humanitate.

Cicero Offic.
III, 9, 125,
5, 10, 126.

XXIII. Propterea divina providentia ut Regna constituuntur humana, sic & mutantur: In quod quidem reservatum DEI iniquum esse Machiavellum gravissimi Viri observarunt, ut mirum sit inveniri hodie, qui Florentino Secretario aliam mentem suissè clamitet. Interim & vim hac accedere & vitium, nemo inficiabitur: Quippe que duæ ex parte hominum causæ mutationis conversionisque Rerumpublicatum existunt. Sed definendum modò est.

Conf. de O-
poteris A. 8.
XVII, 20, 5
memorabi-
lem locum,
Jer. XXVII, 7.
Augustin. de
Giv. Dei, V.
1, 8.
Ecccl. Instit.
Pol. V, 2.
Machiavell.
Princ. c. 25v
p. 735v

FAXIT CHRISTUS, Tartari viator Pacisque Princeps, ut quam haud ita pridem Orbi Europæo indulxit quietem, perpetuam constantemque habeamus; aut si optauda magis quam expectanda perennis in hac vita serenitas tranquillitasque sit, ejus tamen ope charitatem exhibeamus omnibus; hostes antimæ intestinos exteriosque fortiter debellemus vin-

camusque, atque ad alterius demum vitæ gaudia feliciter
pertrumpamus.

